॥ मृत्युञ्जयहोम-मन्त्राः॥

अपैतु मृत्युर्मृतं न आगंन्वैवस्वतो नो अभयं कृणोतु। पुर्णं वनस्पतेरिवाभिनः शीयता । रियः सर्चतां नः शचीपतिः॥१॥

परं मृत्यो अनु परेहि पन्थां यस्ते स्व इतंरो देवयानांत। चक्षुंष्मते शृण्वते तें ब्रवीमि मा नंः प्रजा रीरिषो मोत वीरान्॥२॥

वातंं प्राणं मनंसाऽन्वा रंभामहे प्रजापंतिं यो भुवंनस्य गोपाः। स नीं मृत्योस्रायतां

पात्व १ हंसो ज्योग्जीवा जरामंशीमहि॥३॥

अमुत्र भूयाद्य यद्यमस्य बृहंस्पते अभिशंस्तेरम्ं श्रः। प्रत्यौहतामृश्विनां मृत्युमंस्माद्देवानांमग्ने

भिषजा शचींभिः॥४॥ हरि १ हर्रन्तमनुयन्ति देवा विश्वस्येशानं वृष्मं मंतीनाम्। ब्रह्म सरूपमनुमेदमागादयनं मा

विवंधीर्विक्रंमस्व॥५॥ शल्कैर्ग्निर्मिन्धान उभौ लोकौ संनेम्हम्। उभयौंर्लोकयोर्-ऋध्वाऽति मृत्युं तंराम्यहम्॥६॥ मा छिंदो मृत्यो मा वंधीर्मा मे बलं विवृंहो मा प्रमोषीः। प्रजां मा में रीरिष आयुंरुग्र

नृचक्षंसं त्वा हविषां विधेम॥७॥ मा नो महान्तमुत मा नो अर्भुकं मा न उक्षेन्तमुत मा ने उक्षितम्। मा नो वधीः पितर्

मोत मातरं प्रिया मा नंस्तुनुवों रुद्र रीरिषः॥८॥

मा नंस्तोके तनये मा न आयुंषि मा नो गोषु मा नो अश्वेषु रीरिषः। वीरान्मा नो रुद्र भामितो वंधीर्ह्विष्मंन्तो नमंसा विधेम ते॥९॥

प्रजापते न त्वदेतान्युन्यो विश्वां जातानि परिता बंभूव। यत्कांमास्ते जुहुमस्तन्नों अस्तु वय इस्याम पत्यो रयीणाम्॥१०॥

यतं इन्द्र भयामहे ततों नो अभयं कृधि। मधंवन्छुग्धि तव तन्नं ऊतये विद्विषो विमृधों जहि॥११॥

स्वस्तिदा विशस्पतिवृत्रहा विमृधों वृशी। वृषेन्द्रः पुर एंतु नः स्वस्तिदा अंभयङ्करः॥१२॥

त्र्यम्बकं यजामहे सुगुन्धिं पुष्टिवर्धनम्। उर्वा्रुकिमिव् बन्धनान्मृत्योर्मुक्षीय् माऽमृतांत्॥१३॥ अपेतः शुपर्थं जहि। अधां नो अग्न आर्वह। अपंमृत्युमपक्षुधम्। सहस्रिणम्॥१४॥

ये ते सहस्रमयुतं पाशाः। मृत्यो मर्त्याय हन्तंवे। तान् यज्ञस्यं माययाः।

सर्वानवंयजामहे॥१५॥

जातवेदसे सुनवाम् सोमं मरातीयतो निदंहाति वेदंः। स नंः पर्षदितं दुर्गाणि विश्वां नावेव सिन्धुं दुरिताऽत्यग्निः॥१६॥

नावव सिन्धु दुरिताऽत्याग्नः॥१६

भूर्भुवः स्वंः। ओजो बलम्। ब्रह्मं क्षुत्रम्। यशो महत्। सृत्यं तपो नामं। रूपमृमृतम्। चक्षुः श्रोत्रम्। मन् आयुः। विश्वं यशो महः। समं तपो हरो भाः। जातवेदा यदि वा पावकोऽसिं। वैश्वानरो यदि वा वैद्युतोऽसिं। शं प्रजाभ्यो यर्जमानाय लोकम्। ऊर्जं पृष्टिं दद्दभ्याववृथ्स्व॥१७॥

मृत्युर्नेश्यत्वायुर्वर्धतां भूः॥१८॥

मृत्युर्नेश्यत्वायुर्वर्धतां भुवः॥१९॥

मृत्युर्नश्यत्वायुर्वर्धताः सुवैः॥२०॥

मृत्युर्नेश्यत्वायुंर्वर्धतां भूर्भुवः सुवंः॥२१॥ मृत्युर्नेश्यत्वायुंर्वर्धताम्॥ ॥ॐ शान्तिः शान्तिः॥



(तैत्तिरीयारण्यकम् – ४/प्रपाठकः – ३/अनुवाकः – १५)

हिर्े हर्रन्तमनुंयन्ति देवाः। विश्वस्येशांनं वृष्भं मंतीनाम्। ब्रह्म सरूपमनुंमेदमागाँत्। अयंनं मा विवंधीर्विक्रंमस्व। मा छिंदो मृत्यो मा वंधीः। मा मे बलं विवृहो मा प्रमोंषीः। प्रजां मा में रीरिष् आयुंरुग्र। नृचक्षंसं त्वा ह्विषां विधेम। सद्यश्चंकमानायं। प्रवेपानायं मृत्यवे॥१॥

प्रास्मा आशां अशृण्वन्। कामेनाजनयन्पुनः। कामेन मे काम् आगाँत्। हृदंयाद्धृदंयं मृत्योः। यद्मीषांमदः प्रियम्। तदैतूपमाम्भि। परं मृत्यो अनु परेहि पन्थांम्। यस्ते स्व इतंरो देवयानात। चक्षुंष्मते शृण्वते ते ब्रवीमि। मा नः प्रजा रीरिषो मोत वीरान्। प्र पूर्व्यं मनसा वन्दंमानः। नाधंमानो वृष्मं चंर्षणीनाम्। यः प्रजानांमेक्राण्मानुषीणाम्। मृत्युं यंजे प्रथमजामृतस्य॥२॥